



Broj: 05/7-39-1-115-83/22

Sarajevo, 19. 5. 2022.

Z A P I S N I K

83. sjednice Vijeća nacionalnih manjina BiH, održane 19. 5. 2022. u Neumu

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Mladen Radmilović, Jovanka Manzalović-Šalaka, Hakan Varan, Halil Bicaj, Tijana Vučurević, Davor Ebner i Nedžad Jusić.

Sjednici iz opravdanih razloga nisu prisustvovali: Dejan Piotrovski, Marija Grbić, Vjeročka Gajić i Eva Pašić-Juhas.

Sjednici su, također, prisustvovali: Aida Kreho, sekretar Zajedničke komisije za ljudska prava, i Enver Bogućanin, stručni savjetnik za informiranje.

Za sjednicu je predložen

DNEVNI RED

1. Usvajanje Zapisnika 82. sjednice Vijeća nacionalnih manjina BiH;
2. Razmatranje dopisa Ministarstva za ljudska prava i izbjeglice BiH, akt broj: od 10. 5. 2022;
3. Razmatranje inicijative Vijeća nacionalnih manjina Kantona Sarajevo za zajedničko djelovanje prema nadležnim organima BiH, akt broj: 03/6-37-606/22 od 15. 4. 2022;

4. Razmatranje Informacije Ministarstva za ljudska prava i izbjeglice BiH o dodjeli sredstava granta za vrijeme privremenog finansiranja institucija BiH, akt broj: 05/7-39-1-115-82/22 od 6. 5. 2022;
5. Razmatranje Informacije o formiranju Foruma za izradu alternativne strategije nacionalnih manjina u Bosni i Hercegovini;
6. Razmatranje Informacije Vijeća nacionalnih manjina Federacije BiH, akt broj: 05/7-50-18-758/22 od 12. 5. 2022, te razmatranje dopisa Federalnog ministarstva pravde u vezi sa žalbama na postupak izbora članova Vijeća nacionalnih manjina Federacije BiH, predlagač: Tihomir Knežiček;
7. Zabilješka sa sastanka članova Vijeća nacionalnih manjina BiH i visokog povjerenika OSCE-a za nacionalne manjine Kairata Abdrakhmanova;
8. Tekuća pitanja.

Na prijedlog Nedžada Jusića, te uz sedam glasova „za“, pet glasova „protiv“ i dva glasa „suzdržan“, odlučeno je da se predložena tačka 6. Razmatranje Informacije Vijeća nacionalnih manjina Federacije BiH, akt broj: 05/7-50-18-758/22 od 12. 5. 2022, te razmatranje dopisa Federalnog ministarstva pravde u vezi sa žalbama na postupak izbora članova Vijeća nacionalnih manjina Federacije BiH, predlagač: Tihomir Knežiček, ne razmatra.

Ad. 1. Usvajanje Zapisnika 82. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo primjedbi, Zapisnik je usvojen s 13 glasova „za“ i jednim glasom „suzdržan“.

Ad. 2. Razmatranje dopisa Ministarstva za ljudska prava i izbjeglice BiH, akt broj: od 10. 5. 2022.

Članovi Vijeća upoznali su se sa sadržajem dopisa, kojim se Vijeću nacionalnih manjina BiH dostavlja Inicijativa Vijeća nacionalnih manjina Unsko-sanskog kantona za izmjenu člana 13.14 Izbornog zakona BiH tako da se pripadnicima nacionalnih manjina omogući kandidiranje i izbor u kantonalnim skupštinama. Članovi Vijeća jednoglasno su podržali prijedlog da se Inicijativa Vijeća nacionalnih manjina Unsko-sanskog kantona dostavi ustavno-pravnim komisijama Predstavničkog i Doma naroda Parlamentarne skupštine BiH, kao i Interresornoj radnoj grupi za izradu izmjena i dopuna izbornog zakonodavstva BiH, uz jasno izražavanje podrške za njegovo usvajanje.

Ad. 3. Razmatranje Inicijative Vijeća nacionalnih manjina Kantona Sarajevo za zajedničko djelovanje prema nadležnim organima BiH, akt broj: 03/6-37-606/22 od 15. 4. 2022.

Inicijativu Vijeća nacionalnih manjina Kantona Sarajevo prezentirao je Davor Ebner. Inicijativa je usmjerena na zajedničko pokretanje inicijative prema Državnoj agenciji za istrage i zaštitu (SIPA) i njihovom ulaganju dodatnih napora na pronalaženju maloljetne pripadnice romske nacionalne manjine, nestale prije 10 mjeseci u Sarajevu. U raspravi su učestvovali Jakob Finci i Andrija Svatok. Inicijativa je prihvaćena s 13 glasova „za“ i jednim glasom „suzdržan“.

Ad. 4. Razmatranje Informacije Ministarstva za ljudska prava i izbjeglice BiH o dodjeli sredstava granta za vrijeme privremenog finansiranja institucija BiH, akt broj: 05/7-39-1-115-82/22 od 6. 5. 2022.

Članovi Vijeća su nakon rasprave, u kojoj su učestvovali Nedžad Jusić i Tihomir Knežiček, jednoglasno primili k znanju dopis Ministarstva za ljudska prava i izbjeglice BiH, kojim se obavještavaju da, do usvajanja zakona o budžetu institucija BiH i međunarodnih obaveza BiH, odnosno u periodu privremenog finansiranja institucija BiH, nije moguće vršiti dodjelu sredstava granta za podršku udruženjima nacionalnih manjina.

Ad. 5. Razmatranje Informacije o formiranju Foruma za izradu alternativne strategije nacionalnih manjina u Bosni i Hercegovini

U raspravi koja je uslijedila naglašeno je da Vijeće nacionalnih manjina BiH podržava sve aktivnosti pojedinaca ili udruženja usmjerenih na izradi dokumenata od značaja za nacionalne manjine, ali poziva i na što skoriju izradu i usvajanje državne strategije za nacionalne manjine. U raspravi su učestvovali: Nedžad Jusić, Mladen Radmilović, Tihomir Knežiček i Andrija Svatok. Informacija je primljena k znanju s 11 glasova „za“, jednim glasom „protiv“ i jednim glasom „suzdržan“.

Ad. 6. Zabilješka sa sastanka članova Vijeća nacionalnih manjina BiH i visokog povjerenika OSCE-a za nacionalne manjine Kairata Abdrakhmanova

Članovi Vijeća jednoglasno su primili k znanju Zabilješku sa sastanka.

Ad. 7. Tekuća pitanja

U okviru ove tačke dnevnog reda dogovoreno je da se naredna sjednica održi 3. 6. 2022.

Također, konstatirano je da su u članstvo Vijeća nacionalnih manjina Federacije BiH imenovani neki od pripadnika manjina koji su predloženi za članove u novi saziv Vijeća nacionalnih manjina BiH, te da je potrebno pratiti realizaciju izjave, koju su dali prilikom kandidature za članove Vijeća nacionalnih manjina BiH, odnosno da neće biti članovi više tijela koja se bave problematikom nacionalnih manjina.

Sjednica je završena u 18 sati.

Sekretar
Zajedničke komisije za ljudska prava
Aida Kreho

Predsjedavajući
Vijeća nacionalnih manjina BiH
Andrija Svatok